

Ráðhús Hafnarfjarðar  
b.t. Rannveigar Einarssdóttur,  
Sviðstjóra fjölskyldubjónustu Hafnarfjarðar  
Strandgötu 6  
220 Hafnarfirði

Reykjavík, 21. mars 2016  
Málsnr. sendanda 1603223 RE  
Málsnr. UTL AG-UML-0053RU

Vísað er til fyrirspurnar Hafnarfjarðarkaupstaðar sem barst Útlendingastofnun 15. mars s.l. frá sviðstjóra fjölskyldubjónustu Hafnarfjarðarbæjar. Í erindinu er óskað eftir upplýsingum er varða móttökumiðstöð hælisleitenda sem staðsett er að hluta í Bæjarhrauni Hafnarfirði. Fyrirspurnin snýr að fimm atriðum:

1. Fjöldi einstaklinga sem búsettir eru í móttökumiðstöðinni í Bæjarhrauni
2. Er vöktun á staðnum?
3. Hver er dvalarlengd þeirra sem þarna eru?
4. Er fyrir hendi áætlun um þróun móttökumiðstöðvarinnar hvað varðar samsetningu íbúa, fjölda o.fl.?
5. Hver er ábyrgð sveitarfélagsins á þjónustu við þennan hóp að mati Útlendingastofnunar?

Hér eru svör við ofangreindum spurningum:

1. Fjöldi íbúa í Bæjarhrauni er mismunandi á hverjum tíma. Hámarks íbúafjöldi er um 47 einstaklingar. Ekki er gert ráð fyrir að umsækjendur um vernd dvelji til lengri tíma í Bæjarhrauni og er verklagið og stefna stofnunarinnar að sveitarfélög eða önnur búsetuúrræði taki við grunnþjónustunni þegar frumgreining á þörfum viðkomandi og læknisrannsókn hefur farið fram. Í einstaka tilvikum hefur það þó gerst að íbúar hafi dvalið lengur en áætlað var. Ýmsar ástæður hafa verið fyrir því.
2. Það er sólarhringsvöktun í húsnæðinu. Securitas sinnir þeirri gæslu og er ávallt öryggisvörður á vakt á staðnum. Útlendingastofnun og Securitas eru jafnframt í mjög góðu samstarfi við lögregluna á höfuðborgarsvæðinu sem staðsett er í Flatahrauni, hinum megin við götuna, þ.a. viðbragðstími útkalls er stuttur, sé þörf á aðstoð löggreglu
3. Í dag er meðaldvalartími íbúa í Bæjarhrauni um þrjár til fjórar vikur að undanskildum einstaka tilfellum þar sem um mjög sérstakar aðstæður hefur verið um að ræða.
4. Í undirbúningi er að setja á fót stærri móttökumiðstöð og eru væntingar til þess að hún verði komin í rekstur 2017 með góðum vilja innanríkisráðuneytisins. Þar til að sú miðstöð verður stofnsett mun Bæjarhraunið verða fyrsta stopp umsækjanda um vernd áður en hann fer í þjónustu sveitarfélags eða í önnur búsetuúrræði Útlendingastofnunar. Þetta er sagt með

þeim fyrirvara að aðstæður geta breyst á skömmum tíma sem gerir eðli málsins samkvæmt áætlanagerð erfiða.

5. Útlendingastofnun ber ábyrgð á þjónustu við þá sem búa í Bæjarhrauni og sinnir henni. Leiti íbúi til sveitarfélagsins eftir samskonar þjónustu á sveitarfélagið að hafna þjónustubeiðni, enda er óeðlilegt að tveir aðilar sinni sömu þjónustu. Sú þjónusta sem Útlendingastofnun veitir er á grundvelli 47. gr. b. laga nr. 96/2002 um útlendinga og snýr að húsnæði, lágmarksframfærslu, nauðsynlegri heilbrigðisþjónustu auk þess sem stofnunin tryggir börnun aðgang að skyldunámi í grunnskóla. Ef börn á grunnskólaaldri eru vistuð í Bæjarhrauni þarf að tryggja þeim skólagöngu á meðan skólar eru að störfum og hefur það verið afstaða Útlendingastofnunar að semja um þá skólagöngu við viðkomandi sveitarfélag, þó svo reglur kveði á um að sveitarfélag eigi að tryggja öllum börnum í eigin sveitarfélagi skólapláss. Eftirlitslutverk sveitarfélags er til staðar lögum samkvæmt og það snýr fyrst og fremst að barnavernd. Þau tilvik geta komið upp að barnaverndaryfirvöld geta þurft að hafa afskipti af þeim börnum sem búsett eru í sveitarfélagi þó svo börnin séu í umsjá Útlendingastofnunar, sbr. lög um barnavernd nr. 80/2002. Velferðarráðuneytið greiðir kostnað barnaverndarnefnda vegna afskipta af erlendum börnum í sveitarfélagi. Að sama skapi má gera ráð fyrir því að sveitarfélag geti þurft að aðstoða þá einstaklinga sem vilja setjast að í Hafnarfirði, eftir að þeir hafa fengið hafa stöðu flóttamanns.

F.h. Útlendingastofnunar,  
  
Rósa Ragnarsdóttir